

Kalaallisut oqaatsitsinnik inuiaqatigiinni atuinerput nalilersuiffigisariaqarparput. Oqaatsigut nunatsinni atorineqartuassappata taakkuninnga atuinerput pitsaanerusariaqarpoq.

Nunatsinni oqaatsitta Namminersorneq pillugu inatsimmi pisortatigoortumik oqaasiulernerat pissaaffiliivoq.

Pisussaaffiliineq piviusunnigortinneqassappat suliassat eqqumaffigisassallu pingaaruteqartut arlaqarput.

Siullertut oqaatigerusunnarpoq oqaatsitta ullumikkut inuiaqatigiinni atorineqarnerat iluarsiivigisariaqaratsigu, oqaatsitsinnik atuinitta pitsaanerulersinneratigut, tamanna angusinnaavarput ulluinnami sumiluunniit kalaallisut oqaatsitsinnik atuinerulernitsigut.

Kalaallisut oqaatsigut meeraanitsinnit ilitsoqqussaraagut, angerlarsimaffitsinni atugaraagut, atuarfimmi sukumiisumik ilinniartitsissutaapput, suliffinni minnerusumik annerusumilluunniit atugaapput, radiukkut aallakaatitsinermi pissusissamisoortumik atorluarneqartarput, kalaallisut atuakkiani, aviisini naqitanilu allani atuartarpagut, allarpassuartigullu inuiaqatigiittut aqqissugaanitsinni atorpagut, soorlu nunaqqatigiit ataatsimooqatigiittarnerini assigiinngitsuni, peqatigiiffeqarnerup iluani suliniutini, oqaluffinni il.il.

Maannali oqaatsitsinnik atuinerput siusinnerusumut nalleqqiullugu annikilliarporpoq, avatitsinniik assigiinngitsutigut sunnerneqarnitta kingunerisaanik. Tamanna piffissami aggersumi suli malunnarnerulersussaavoq, inuussutissarsiutit nutaat nunatsinni aallartisarneqartussat eqqarsaatigalugit.

Naak oqartoqartaraluartoq oqaatsigut navianartorsiunngitsut taamaattoq isumaqarpunga oqaatsitta eqqortumik atorineqannginnerannik aallaaveqartumik ernumassutissaqartugut. Oqaatsigummi eqqortumik atunngikkutsigik kimeerukkiartulissapput taamalu atussallugit soqutigineerutissallutik.

Namminersulernerput pimoorullugu timitalissagutsigu aqutissatta pingaarnerit ilagaat oqaatsitsinnik taamalu kinaassutsitsinnik illersuinissarput, tassami oqaatsigut kinaassutsitsinniipput.

Eqqaamasariaqarparput oqaatsigut ukiorparujussuit ingerlanerini siulitsinnit atorineqartuarsimamata, nunarsuup avannaarpiarsuani inuiannit allanit najorneqanngitsumi, inuttut inuiaqatigiittullu imannaanngitsunik assigiinngitsunik atugaqartarnermikkut ineriartortissimasaat.

Taamalu siulitta allattalernerimikkut uagutsinnut ingerlateqqissimasaat, ineriartortitassanngorlugit. – Oqaatsimmi taakku nunamut inuuffigisamat ima tulluarsagaatigaat, oqaatsitsinni taaguutit ataasiakkaat ilaat nunarsuarmi inuiannit allanit atugaalersimallutik.

Taamaattoq ukiuni makkunani inuiaqatigiittut aqqissuussaansinnit atugaanerat annikippallaarsorinarpoq.

Soorlu inuiaqatigiinni sullissisussatut ilinniartitaanerup iluani oqaatsigut ilinniartitsissutissatut ilanngunneqarneq ajorput aamma allaffissornerup iluani inunnillu sullissinissamat ilinniartinnit qanoq atorineqartiginerat nalilersorneqartariaqarpoq. Ilinniagaqarfinnimi taakkunani ilinniagaqartut oqaatsigut atorlugit inunnik sullissisussaapput taamaalu oqaatsitsinnik eqqortumik atuisinnaanissaat piumasaqaataasunut ilaasariaqarpoq.

Oqaatsitta atugaanerat uummarissaqqinneqartariaqarpoq – inuiaqatigiittut aqqissuussaansinnit atugaanerat nukittorneqartariaqarpoq – kalaallisut oqalussinnaaneq atugaanerulerseqqitsigu; taakkua

atorneqarnerisa aaqjiiffiqarsinnaanerat allakkatigut, atuagassiatigut tusagassiuutigullu isum-mersorfigalugu, taamaliorutta naalackersuinikkut suliallit isummatsinnik tusartissavagut.

Kalaallisut oqallorissunik tusarnaarluni nuannertaqisoq, oqaatsigummi nunami inuuffigisami sumik suliaqarneq aallaavigalugu atorfissaminnut ineriartortitaapput.

Taama oqallissaarilaarpunga.

Arqaluartâ Rosing,
nummiu.